

MÖÖTTIPROTOKOLLA AVIOVAARAN ALKUPERÄSKANSOITTEN REGIUUNIRAATI 06.01.09

Mööttipaikka: Jergul Ástu
Mööttiaika: Tiistai 6.januaarikuuta 2009, kl 09-12.

Paikala:

Kaarasjoven komuunin eestä Kjell H.Sæther, Máret Sara, Hilda Vuolab
Porsangin komuunin eestä Mona Skanke, John Turi, Gunnar Lillebo
Kautokeinin komuunin eestä Klemet Erland Hætta, Anders S. Buljo, Odd Torvald Keskitalo

Kokhoonkuttuminen:

Klemet Erland Hætta viittasi kokhoonkuttumispreivhiin, mikä oon lähätetty 19.12.08 ja toivotti kaikile hyvää uutta vuotta!, ja tervettulemaa regiuuniraatin mööthiin. Kelhään ei ollu mithään sanomista kokhoonkuttumispreivhiin ja möötti alkoi.

Asia 01/09: Möötin johtajan ja sekretäärin vaali

Möötin johtaja: Klemet Erland Hætta valithiin yksiaänisesti.
Möötin sekretääri: Odd Keskitalo valithiin yksiaänisesti.

Ehotuksia asialisthaan:

Máret Sara ehotti, ette hunteerattais yhtheisiä tekoja, joila paranettais komuunitten lapsittensuojelupalveluita. Kaikin olthiin yhtä mieltä siitä, ette tämän asian otethaan esile asialistan kohassa 5: Muut asiat.

Gunnar Lillebo ehotti, ette käyvhään läpi regiuuniraatin säänot. Kaikin olthiin yhtä mieltä siitä, ette tämän asian otethaan esile asialistan kohassa 5: Muut asiat.

Ehotehiin kansa, ette hunteerattais regiuunin formannskaapitten yhtheistä mööttiä. Kaikin olthiin yhtä mieltä siitä, ette tämän asian otethaan esile asialistan kohassa 5: Muut asiat.

Hyväksyhiin yksiaänisesti asialistan ja net ehotukset, jotka siihen lisäthiin (asialistan kohthaan 5: Muut asiat).

Asia 02/ 09: Valithiin styyrinjohtajan ja styyrin toisen johtajan vuojele 2009-2010

Valithiin styyrinjohtajan ja styyrin toisen johtajan vuojele 2009-2010, sen mukhaan mitä § 6 säänoissä seisoo.

Kjell H.Sæther ehotti Klemet Erland Hættaa styyrinjohtajaksi. Klemet Erland Hætta valithiin styyrinjohtajaksi huutovaalila.

Kjell H.Sæther ehotti Mona Skankea styyrin toiseksi johtajaksi. Mona Skanke valithiin styyrin toiseksi johtajaksi huutovaalila.

Lisäksi Kjell H. Sæther oon styyrin jäsen.

Styyrinjohtaja johtaa kansa regiuuniraatin mööttejä, § 6 sääntöjen mukhaan. Komuunitten raatimiehet ja sekretariaatin johtaja osalistuthaan raatimööthiin ja styyrimööthiin. Heilä oon puhevalta ja het saatethaan tehdä ehotuksia, katto §§ 5,7 sääntöjä.

Asia 03/09: Regiuniraatin mööttiäni vuojele 2009

Päätettiin yksiaänisesti järjestää mööttejä:

Tiistaina 5.maikuuta kl 11.00, tarkemin kokhoonkuttumispreivin mukhaan.

Tiistaina 10.novemberikuuta kl 12 alkkain ja 11.novemberikuuta kl 12. saakka, tarkemin kokhoonkuttumispreivin mukhaan.

Asia 04/09: Aviovaaran alkuperäskansoitten regiununin maanpruukikompetanssisentteri

Asian otti esile Kjell H.Sæther, ja hän oon antanu raatilaisile kopion, missä seisoo asian kirjallinen selvitys. Päätettiin yksiaänisesti, ette raati kannattaa

maanpruukikompetanssisentterin perustamista. Styryrile annethaan täysi valta seurata asiaa ja työtälä sen etheen, ette alotethaan prošekti tätä varten.

Asia 05/09: Muut asiat

A. Regiununin lapsittensuojelutyö:

Máret Sara otti esile net haastheet, mikkä oon lapsittensuojelutyössä. Se koskee eriliikasesti lapsittensuojelukonvenšuuunia, lapsitten oikeutta omhaan kulttuurhiin ja nääringhiin saamelaisila aloila. Hän refereerasi, ette hän aijeminki oon ottanu saman asian esile, mutta juuri mithään ei ole tapattunnu. Ja häätyt tutkia enämpi, kunka lapsittensuojelu käyttää valtaa komuunissa.

Raatissa olthiin yhtä mieltä siitä, ette styryri valmistellee asian ja tuo sen esile raatin seuraavassa möötissä, mikä oon 5. maikuuta.

B. Aviovaaran alkuperäskansoitten regiununin säänot:

Gunnar Lillebo muisteli regiuniraatin säänoista (näytti säänot prošektorilla) ja tarkemitten määräysten tulkinasta, niin ko net tulhaan esile sääntödokumenteissa.

Raatilaiset esitethiin paljon kysymyksiä siitä, kunka sääntöjä tulis ymmärtää. Jälkhiin kaikila tuntu kuiten olevan sama ymmäryt ylheensä.

Säänot oon aivan nokko väljät jotta se oon maholista työtälä yhtheisten kehittämis- ja effektiviseeraustekojen kansa. Lisäksi oon maholista ottaa huolen primääristä nääringistä, eriliikasesti regiunaalisesta perspektiivistä kattottunna.

C. Regiununin formannskaapitten yhtheinen möötti:

Raati meinaa, ette se olis hyvä järjestää ainaski yhen yhtheisen möötin regiununin formannskaapitten kesken joka vaaliperiuudin aikana. Sihathaan siihen, ette semmonen yhtheinen möötti järjestethään vuojen ensimmäisen puolikhaan aikana.

Kaikin olthiin yhtä mieltä siitä, ette styryri hunteeraa likemin yhtheisen möötin sisältöä, ja millon tämän vuojen aikana se passais järjestää yhtheisen möötin.

Raatimöötti loppu kl 12.00

Protokolla

Odd Torvald Keskitalo

referantti